

Ո Ր Ո Շ ՈՒ Մ N 131
Վարչական տույժ նշանակելու մասին

«31» օգոստոս 2020թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «Սանի Օսիայան» ՍՊ ընկերության տնօրեն Սոս Օսիայանի (անձնագիրը՝ AS0583003, ք.Կապան, Մ.Հարությունյան 12/34, Բաղաբերդի թաղամաս, 12/12) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

«Սանի Օսիայան» ՍՊԸ-ի կողմից 06.08.2020 թվականին ներկայացվել է թիվ 05100040/060820/0002234 ապրանքի հայտարարագիրն, որում մաքսային արժեքի որոշման մեթոդը նշվել է 3-րդ, սակայն տեղեկատվական բազայում 90-օրյա ժամանակահատվածում առկա համանման ապրանքների գործարքի արժեքը չի համապատասխանում հայտարարագրված ապրանքների գործարքի արժեքին: Վերոնշյալ ոչ ճշգրիտ տեղեկությունը ներկայացնելու արդյունքում մաքսային վճարների գծով առաջացել է պակաս վճարված պարտավորություն՝ 196,946 ՀՀ դրամ:

Նշված փաստի առթիվ ՀՀ ՊԵԿ ՀՄՎ ՄԳ քաժնի գլխավոր մաքսային տեսուչի կողմից 06.08.2020 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի 2-րդ մասի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ **հայտարարագրման ժամանակ ոչ ճշգրիտ տեղեկություններ նշելը:**

Սոս Օսիայանը փոստով պատշաճ ծանուցվել է գործի քննության վայրի և ժամի մասին, չի ապահովել է իր մասնակցությունը գործի քննությանը, գրավոր որևէ բացատրություն կամ դիրքորոշում չի ներկայացրել:

ԵՏՄ Մաքսային օրենսգրքի 106-րդ հոդվածի 4-րդ կետի համաձայն՝ ապրանքների հայտարարագիրը պետք է պարունակի ապրանքների մաքսային արժեքը (մեծությունը, ապրանքների մաքսային արժեքը սահմանելու մեթոդը):

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/060820/0002234 ապրանքի հայտարարագրում ներկայացվել է ոչ ճշգրիտ տեղեկություն, որն էլ հանգեցրել է ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտման: Ընդ որում, կատարվածի արդյունքում առաջացել է մաքսային վճարների պակաս հաշվարկում 196,946 ՀՀ դրամ:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի


1. Սուս Օսիպյանին ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **98,473 ՀՀ դրամ** $196,946:2=98,473/$:

2. Որոշման մասին հայտնել Սուս Օսիպյանին:

3. Որոշումը կարող է բողոքարկվել վերադաս մաքսային մարմին կամ դատարան ուժի մեջ մտնելուց հետո երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 98,473 ՀՀ դրամ:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐՉՈՅԱՆ